

天啓崇禎兩朝遠詩

A5

天啓崇禎兩朝遺詩

(全三冊)

〔清〕陳濟生編

〔附考〕陳乃乾著

*

中華書局上海編輯所編輯

(上海紹興路7號)

中華書局出版

(北京東總布胡同10號)

北京市書刊出版業營業許可證出字第17號

商務印書館上海廠印刷 新華書店總經售

*

850×1168 耗1/32·661/8印張·12續頁

1953年12月第1版

1958年12月上海第1次印刷

印數：1—700 定價：13.00元

統一書號：10018,116 58.12. 寬版

沈應楨

吳彥良

顧凝遠

○曹

路

史

玄

趙

渙

張屈

陳時衡

介平

徐爾鉉

吳馨

華時亨

仲通

史兆斗

王煥如

附子布

顧

卦

山

楊

補

卓八月

珂月

閔及申

祁鴻孫

魏應星

李

沛

平序

葉

襄

鄒繼思

萬泰

章

美

○吳

翽

兼九

張

澤

丘

民

○朱明

翽

第卷五

計善

李

拱

○邵

彌

情彌

顧

敦

丘

象

○楊

靜

定夫

湯傳楹

陸壽國

○陳有嘉

伯海第九

王問奇

丘

岳

進士

伯海第九

王問奇

丘

岳

伍容庵詩

長洲伍袁萃

○○續正氣歌

天地有正氣其名曰浩然卷之盈一掬放之塞兩間國家藉以立綱常賴以開三生事如一九死安足惜逢戮夏社屋千殞商祚易或採首陽薇或依秦庭泣或爲化碧血或爲怒潮魄王蠋不背齊晉連不帝秦陶潛不臣宋後先同此心子家駒孤主伍季刺逆賊雲長躬秉燭龔勝其絕粒趙襄衣可斬漢關隘可折納肝何慷慨剖心更壯烈少陽死于市武穆死于獄迄今懷忿激欲食奸臣肉宋末首文山國初先正學三代死節多二公尤卓犖上下數千載可悲亦可歌忠肝懸日月義膽柱江河我續文山筆赫赫丹青圖

史筆

終天不老青山色永世不磨青史筆史與山兮共長久留名簡冊死不朽貞心泰華難轉移介節冰霜堪比擬君不見碌碌庸庸委糞土又不見烈烈轟轟震今古

自述

矢志挽頽靡潔身脫囂塵鳳翔千仞上鵬搏九萬程灌園無遺累採芝有餘馨願景高山行優游了此生

述志

少年嘗奮勵抗志凌青霄簪組浮雲過簞瓢陋巷饒耻作春華色寧隨秋葉凋十載傳家寶今生誓不搖

採薇

但聞忠義事便覺心顏開首陽山上薇後世何人採漢有商山皓茹芝樂艸萊孰與兩餓夫萬古綱常哉

自述

生平無別好經史自相親窮極書中趣涵濡道味真塵緣都解脫心境覺分明何如名利客役役勞吾神

再述

履后土兮戴皇天君親恩重如霄淵怙恃雖懷慚莫報菟薶曾獻託空言歲寒幸踐貞松約景晚終修介石緣日坐虛齋忘別念太平無事卽神仙

思忠義

但聞忠義士私心向往之道遠不可卽神交夢寐時

疾奸佞

奸佞宿世讐語及髮上指無緣請尚方空羨古良史

規友

松柏不改冰霜節鳳凰豈視鴟鴞食願君奮志如壯年末路噬臍亦何及

癸卯聞起觀察海北

肅撫監橫行緝參諸賊戮人

報國孤忠未盡輸忽聞簡命下丹墀遐服正苦炎威熾當使甘霖徧海隅
合浦明珠上所珍關奴乘間螫蒼生此行一意持三尺破柱何人擅令名

○過橫塘別業

因貧售人後過之有感

舟過橫塘望故園亭亭修竹數千竿此君是我相知友亦逐風塵陌路看

自述二首

人世浮榮不入心多年通籍一儒生書齋寂寂無塵處時有良朋話古今
淡然無物本初心苦苦修持過一生先世起家千古上清白相仍直至今

冒女九詩

如里冒夢齡

○ 偶讀袁伯修老師和蘇長公戒殺詩漫和一章

余持六關齋亦復戒米汁一月六日間口脣不曾溼過嚴百日戒獨醒殊自得醇醪却所甘臙安所急所以數十年毀柵縱雞鴨下箸無兼味覆食鮮膾炙何肉雖未斷幸免刀砧赤往往謙會間起爲賓朋白樽前饒白醴盤中乏赤憤我仍杯學歡彼免鼎鑊泣必以殺爲敬應以無凝客天物固難珍祿滅福自集

燕子磯

掠水凌風勢欲飛憑臨千古燕爲磯六朝空作雕梁寄二水還將舊壘依盡日布帆迷遠道沿江鐵鎖映斜暉祇今惟有烟波更漁網依稀點翠微

問李達生病

病中作

颶風峰頭雨氣濛潯陽江上石尤風但知山水無常態不道江湖有病翁捐俸僅能供藥裹寄愁聊以付詩筒歸來知已重相對始信浮生類轉蓬過楚會城

江漢開天府雄圖自武昌
帆檣聯陝洛鎖鑰控荆襄
覓井懷先蹟登樓俯大荒
獨憐鸚鵡賦名共綠洲芳

先中丞守武昌遺有月公井

聞重慶樊酋之變

祕移灰沒安排處此日幾知是下場
殉國有躬寧爾辱捍城無旅竟誰當
身經蜀道山千里魂到鄴都水一方
莫謂計窮聊自解兵戈衽席總無常

聞渝變後二日遣宗兒孫忠州歸

孤舟子夜發雲根去住風波總斷魂
萬里趨庭憂喪路千山將毋重攜孫
聽猿巫峽秋聲急走馬長安春色繁
爾自好爲吾不惡登陴入社又開尊

壬戌夏五我師克渝喜賦

三川四月隕妖星踰五天兵躡賊庭
烈炬九關燄不夜危梯萬道擬開丁
角崩猶自思狼顧俘獻寧渠得雉經

有傳樊酋投縊死者

千載元功廷議在獨憐肝腦偏生靈

七夕與曹純孺諸公飲山亭是日立秋

河梁如綆度雙星天上人間總乞靈
老我偏驚梧井葉與君聊醉桂山亭
庭中憤鼻隨時暴合裏蛛絲入夜窺
巧拙只今并分定儘教蒲柳望先零

送伯兄冲羽遊南雍因憶先伯父官國子時距今四十餘年矣

五月揚颿挂石城河干柳色映朱明前途萬里誰先達大業千秋自晚成
鬱鬱鳳城堪騁望翩翩虎觀待蜚聲閒時漫過趨庭處不盡風人陟岵情
別盛堯民山人歸仰天塢

送君此日却歸山家在名人王范間杖入支硎探茗易棹移光福晉梅閒
有時礧礧仍留蹟無計追隨一扣關遲爾楓橋春欲半望湖西去共躋攀
驚發前一日携宗兒襄孫之吳陵值大風雪時聞殷雷

三日吳陵百里程雪花如手浪如鯨擁爐咏絮佳兒事畏路愁霖野客情
共道遺蝗消歲沴仍看伏蟄起春晴明年此際長安道瑞靄遙瞻接帝城
送襄孫赴郡試時年十六小字繩繩

少小伊誰讓達先參藩脫穎及茲年神駒蹀躞知千里雛鳳翺翔試一騫
但使弓裘存世業轉從橋梓美單傳願思小字期無負勉振前徽早著鞭
先少參公年十六登賢書

○陳發其枉顧爲道友仲卿下世

鵬社盟深秋水長五年吳蜀迴相望郵筒無那憑雙錫足是何緣到一航

寂寞遙憐揚子宅追陪空憶遠公房倩君寄與同人道陶令依然在弊鄉

宗兒掃室讀書其中示昂

暫時休沐亦君恩容膝聊將夙好敦生白六虛清夢想殺青萬卷恣尋溫
瞻依自足娛親老剝啄從教遠市喧假息計期剛六月秋風動地又輜軒
讀宋慶叔合併詩集

少時字字挾飛仙老至駸駸偏自然律絕三唐疑互勝歌行昭代讓孤妍
緯真詫異人俱賞司寇稱才老自憐知已生前淪落盡會稽有待筆如椽
詩序成情前爲之
臨訣再囑王季重

處冲姬反自燕山却訊

不信人間行路難興來匹馬走長安凝眸齊魯懷先蹟託志荆高結古懽
使署淹留何信宿客途珍重定加餐河清幾度能逢此獻賦還期謁禁鑾
無題

美人貽我素統扇索我題書如白練爲卿吟就海棠詩憑將障却桃花面
桃花人面歲相同年年歌舞笑春風乳燕雛鶯紛作隊多情何似白頭翁

顧簡洲詩

崑山顧天敘

辭世

選十首

幻化

游戲人間五九年半生亡賴早知還嫣然一笑歸何處水在長江月在天

辭親

靈山一會尚巖然去住空花翳目前惜別漫將生歿判何妨永夜且長眠

辭友

契合由來是宿緣芝蘭能得幾人堅卽今別去非別也不在山邊在水邊

辭學人

幻質終須有轉圓靈田不昧獨惺然未能頻入無生地且向西方學種蓮

辭李二莪

才華氣魄孰居先人世榮名快著鞭得意急須回首看黑風不覆釣魚船

辭王弱生

厭世由來意見偏身心矛盾自相煎君今已悟無生理其判勲名作外緣

示李韋繩

斷酒持齋爾在先西來大意竟茫然臨岐莫訝渾無語須信虛空會說禪

示疇兒

荏苒流光最可憐釋今不學待何年世間偌大男兒事豈在當人身外邊

示脅兒

休恃翩翩政少年分陰須惜莫流連木雞養就堪遊世嘖咲常思益父愆

示僮僕

皈依左右已多年不會些兒一指禪觀面莫教輕瞋過主人髻髯在伊前

瞿體孝詩

黃岡瞿 罕

舟發鄂渚書感

漢江水遶合東流浩渺烟波動素秋孤客船從漢水發一隨漂蕩下揚州
揚州東望隔千里淮水盈盈通易水便乘別鶴樓前飛遙見孤雲峰下起
雲飛一片却相隨心懷千慮共誰知揚親虛拜青驄路陳書空伏紫薇墀
悔將錦瑟向竿鼓大息真儒翻不偶泛泛中流強自歌此道今人棄如土
下邳子房山弔古

曾傳博浪獨椎秦半爲君恩半爲親不恡萬金扶舊國將憑一劍慰先人
赤松月映丹心朗黃石風翻白帝塵漫羨瑩基炎祚遠千秋苦孝較誰真
伏闕上疏請以先臣遺事付史館作

螭頭咫尺凜天威一疏瞻霄屏息微不爲時艱匡白簡祇緣先德叫黃扉
史祈玉版書徵士旨望金音下瑣闥手澤儻隨天澤永白雲應逐紫雲飛
捧旨褒闡先臣志喜

夜臺秋盡景淒淒絳闕俄傳渙紫泥未許遺編歸信史先批增秩照原題

木天舊戴金門重，蒿里新垂玉露低。惟是哺烏山外喜，翩翩飛入故林西。
久客燕都貧病交集，歎近傷雜效七言體。

四度揚親十上書，饑寒登泮廿年餘。抗疏屢排雙鳳闕，拜塵空曳五侯裾。
層冰蹋裂翻重繭，麤糲盤空未有魚。於乎我歌兮，謂始放慈烏啞啞空南望。

有父有父修文早，新隴晴開春樹好。雨黑松楸苦見侵，葉響楓林誰爲掃。
近喜丹書降紫泥，可憐白骨纏青草。於乎我歌兮，謂載瘠梁山吟罷操鐮耕。

遙憶慈顏轉自傷，諸孤落魄母先亡。寄食不遑供菽水，薦馨空費奠椒漿。
枯楊寂寂山前冷，遺像垂垂月下光。於乎我歌兮，謂三奏岷山淚滴青衫袖。

終鮮弟妹恰兄多，六妾蒿塵絕唱和。孤鴈不堪羅網一，鴛鴦強自觸洪波。
風雨侵凌誰共禦，華萼凋殘當奈何。於乎我歌兮，謂四愁慟哭仲兄下楚丘。

有姊有姊生窈窕，四人下嫁二人天。摧蘭慣抱西河愛，焚芝已宿北垆草。

薪水悠悠去不迴路旁石篆標華表於乎我歌兮謠五意幽蕙飄風吹滿地
槽妻蠶妾不宜子十載夢斷參苓裏海嶺將開二月祥雲鴻遙隔三千里
豫想懸弧覺後疑驚傳弄珠夢中喜於乎我歌兮謠六歎雉雛出穀何繇
見
三十行年空潦倒單衫破盡容枯槁扣角誰憐長夜浸焚膏目解窮年好
霜華半向鏡前飛月顏全逐塵中老於乎我歌兮謠七哀無邊血淚隨風
來

錢盡

莫問杖頭錢單衣肘後穿赫曦猶吐火丹竈竟無烟厨冷絲逾結室空磬
屢懸英雄元自許不肯受人憐

傷懷

幾番荷帙待參詳萬轉千迴默自傷
疲手強呵水作字低簷空拜淖霜裳
豈無新屋應承奉誰念遺靈共表章
望絕道窮心欲碎邛山墮樹轉茫茫
將父命赴關進書總別口號